

鳳臺縣志卷之二

山川

太行山左丹右沁中爲大行在西則析城王屋在東則華林慮各不連屬百里之內峰因地異萬壑千巖支分派行轆轤錯互盤亘交結導水以別東西循山以標地望輪囷包結皆太行也 蔡九峰曰河北諸山根本脊脉皆自代北寰武嵐憲諸州乘高而來脊以西之水西流入龍門西河之上流脊以東之水東流爲桑乾幽冀以入於海其西一支爲壺口太岳次一支包汾晉之原而南出以爲析

鳳臺縣志

卷之一

山川

一

城王屋而又西折以爲雷首又次一支乃爲太行又次一支乃爲恒山其間各隔沁潞諸川不相連屬按此則沁水東丹水西爲太行山自沁水縣發脉至吳神山入鳳臺縣界無疑 朱子曰太行自西北發脉來爲天下之脊此是中國大形勢其底柱王屋等山皆是太行山脚 地理今釋曰太行延袤千餘里起於河南懷慶府濟源縣迤而東北跨山西河南直隸界按據此二說縣境之山本太行一山左右迴互形勢自然地脉首尾昭昭可考 金履祥曰河東太行地勢全體皆石土載其上按據此說則境內諸

山皆太行一片石益信諺云石厚土薄語有所自矣
境內山分三支中一支自吾山東西南三分盤結於太行
東一支由陵川高平迤邐列爲丹水東岸諸山轉爲柳樹
口前臨丹水與太行山不連屬北一支由高平游仙山南
下峙爲固山東陲至寒狐陁左蒲水右絕水與諸山不連
屬

自沁源逕沁水迤邐南下又迤東微北曰吾山西北距縣
六十五里亦曰梧山相傳爲梧邱子棲隱所山之右陽阿
水出焉山之左山澗建瓴直下會陽阿鎮海山泉東南流
循浮圖南而東俗因名爲塔河境內之山由此支分

鳳臺縣志

卷之一 山川

二

吾山下稍低曰香爐山西北距縣五十里山下爲陽阿鎮
古陽阿縣治此舊志云建興郡治陽阿按水經注陽阿水
北出陽阿川南流逕建興郡今陽阿故城在陽阿水之東
北非南流所逕桃固嶺西有地名建興鄉西臨陽阿水是
建興舊治在彼不在此舊志又別有香山云在縣西北六
十里按其地別無香山似卽香爐山誤傳爲二
香爐山左一支山脊由西北而正北平行東行曰紫金山
北距縣五十里

岡阜陂陁再迤東曰石室嶺北距縣四十五里巖刻石佛十餘磨崖書記剝落模糊彷彿有北魏年號山頂有楚王廟未詳所自山下老陰泉南流爲浩水入塔河

再迤東曰界牌嶺東北距縣五十五里

舊志曰吾山縣西北接高平界在三家店北三峯疊翠夕照倍佳今按其地並無峯巒一統志曰吾山在高平西南四十五里三峯聳翠舊志誤

再東高峯巍峩曰莒山東北距縣五十里廟貌輪奐祀藺相如廟後爲藺相如墓一統志云藺相如墓終以在直隸

鳳臺縣志

卷之一

山川

三

邯鄲西南六里者爲是耆老傳藺爲莒山村人非所詳也山之後爲焦家河鳳臺與高平分界

莒山再東迤北爲潭嶺頭東北距縣五十里卽全玉嶺傳云舍人懷璧由間道歸趙路經此以地理考之或然山前有道泉溪由板橋村南流入丹

迤東爲樓兒嶺東北距縣四十里

潭嶺又微北平岡忽起小阜曰好蛤山東北距縣六十里與北城公村對峙山下東西兩岍石壁嵯岬下窄上狹中通石罅絕水中行名曰涇口此絕水入鳳臺之界也大雨

時行水與石鬪聲如怒雷濤激雲湧震驚心目巖畔有
鐵裹門扇曰孤兒洞傳爲程嬰藏趙武處非所詳也

北城公村絕水東岸有山曰固山東北距縣六十里連高
平界山西北土岡迤下爲北城公村絕水南流逕山下再
折而東逕南城公村又東逕河底村皆循山脚轉河底村
東水濱高阜有九江神廟陵川蒲水自魯村東寒狐陁入
鳳臺境西南流逕高平寨上村北折而南曰葫蘆灣至廟
東與絕水合流南下 固山北岡阜迤東爲東西黃石村
魯村皆縣境 山上有廉將軍廟祀廉頗塑像竒古非近
鳳臺縣志

卷之一

山川

四

今所及傳爲廉頗堅壁拒秦軍地距米山大糧空倉諸山
二十里許

以上可指名者十山由西至東皆鳳臺北境

香爐山微迤東南岡巒起伏有小嶺曰貴人峰再迤曰無
量佛殿少折而南至庄頭村西曰小尖山西北距縣二十
里

小尖山分三支微東轉小阜曰二仙掌西北距縣十五里
山陰淺沙細草水流津津爲丹水之源水北流有丹源辨
見水志

二仙掌東橫亘曰司馬山北距縣十里橫山列屏下爲郡城有白馬寺舊志曰明建按金李莊靖公詩云千年古廟映崇岡寺由來已久舊志失考山前二澗爲遶城東西二沙河之源山陽西南有黑龍潭山陰爲小析山有三龍潭建成湯廟郡人禱雨於此潭水皆泛溢可疏濬資灌溉按小析山與司馬山爲一山別無峯巒可爲標識舊志分列未確

司馬山左肩橫岡迤東南行小阜曰張村山東北距縣八里

鳳臺縣志

卷之一 山川

五

迤東曰七嶺山東距縣十里

二山皆小阜以地少平原藉以表識

山頂循脊東北行曰東可寒山土人稱曰龍王山東北距縣二十五里山下有雙泉在平原距山麓五里一統志云丹水發源於可寒山或指此言其實非也詳見丹源辨

再東橫岡曰興隆山俗呼曰三巘嶺東距縣三十里

再東曰垂棘山東距縣三十五里相傳垂棘之璧產此閩百詩四書釋地云垂棘又見成五年杜但注云晉地按晉地別無以垂棘名者又路史云夏辛履癸是爲桀始遷於

垂註謂天門在澤之晉城太行之上詩地理考禹自安邑徙都晉陽桀徙安邑湯升從陟在河曲之南桀走三嶮自安邑入山出太行東南三十里有陟山戰國策桀居天井卽天門也博物志曰縣南地名卽垂以今地望考之爲古垂棘無疑

自此以東丹水與絕水交

垂棘岡隴南行至水西村南懸崖中斷與磨山底村對丹水中流兩壁如削曰龍門峽傳爲禹跡東距縣三十五里再南山脊漸起危峰插漢曰浮山上有伏羲廟北谷有媧

鳳臺縣志

卷之一

山川

六

皇窟中空如囊傳爲煉石補天處崔伯易感山賦序太行一名皇母一名女媧者也東南距縣三十五里

山脊一支迤北曰磨兒山有媧皇廟丹水逕其下東距縣三十五里

浮山脊東南漸低臨丹水秀峰如屏曰石人山俗曰石人漏此又一石人山非水經注逕二石人北也東南距縣三十五里

再迤南曰峽石山兩岸急束中通石徑由高趨下天光一線至別有天路轉峰回建青蓮寺有擲筆臺欵月亭諸勝

爲高僧曇始惠遠道場山前乳竇嵌空丈餘修廣倍之一泓淵然當暴雨驟發中罅常如雷鳴寺僧取汲於此東南距縣三十五里

以上五山卽丹水西岍南距二石人山四十里許亂山不可指名詳見水志

二仙掌前一伏一起曰碧落山西北距縣十五里山下碧落寺亦名石佛谷唐韓王元嘉子黃國公譔爲母妣妃房氏祈福所建彌勒佛石像後有摩崖碑篆書宋劉羲叟不盡識後與宋子京同閱始盡曉碑燬於火現存者小篆書

鳳臺縣志

卷之一

山川

七

五六字係後人書不傳其名金許安仁有碑記其事寺南岸千松掩映一郡竒觀金李莊靖公題咏之後文人流連競稱名勝俗有謂民人某捨家爲寺者此未考碑碣所誌妄言也

碧落山南嶺俗曰萬松嶺漸低衍南行一門中斷曰崦村山西微北距縣十二里

再斷復起曰五門山正西距縣十里

五門山南行又斷復起曰核桃窰山正西距縣十里

又斷復起曰轆轤井山西微南距縣十二里

又斷復起曰峪口山西微南距縣十五里
山脊由西轉南曰環秀山西南距縣二十五里山下澗水
東北流至西峪村南會峪口水東流入白水

以上五山如屏中開爲五門俗皆呼曰山口背負桃固
嶺俱有山澗東南流入白水其分合遠近別見水志

環秀山再南微東特起一峰高不可卽曰晉普山西南距
縣三十里山頂祀李衛公相傳衛公行軍過此史傳無考
有白石仙人像不知其名長身玉立鬚眉如生舊志云晉
普山距城西南三十里又玉仙山亦距城西南三十里按

境內別無王仙山一山兩列考據未確山巔南天門俯視
羣峰脊如平地黃河天外了了可指有九泉羅列山間淙
淙潺潺冬夏不竭味甘冽異常山半爲靈巖寺入石門口
萬松叅天綠雲如水濤聲謾謾冷沁心骨陰壑積雪盛暑
不消舊志又別記爲萬松山亦誤山陰澗水名火窰河會
申匠村黃龍洞水北流合西峪水東流入白水山陽東偏
澗水名大棘河南流逕河底村南又東流逕石門入白水
小尖山南行山脊隆起曰伊侯山西北距縣二十里有伊
尹廟傳云伊尹隨湯禱雨至此卽古桑林程明道云澤州

北望有桑林此山在澤州之北似之然湯之禱雨實在析城山非此山下細流涓涓由西東流白水源於此逕陳家溝村南折而南流舊志云白水源出城南一里許名湖泓水今考其地全無水源又府志云白水源出城南五龍山下五龍池按城南無五龍山五龍池卽龍泉潭深數丈不能泛溢轉相傳疑殊難考信

伊侯山脊岓岓隆隆盤亘重複西南行曰桃固嶺西距縣二十里俗曰寨子嶺由南轉東接環秀山晉普山山陰西轉爲陽阿水東南諸岡阜山前之水由五門山五處山口流入白水山後之水入陽阿水

鳳臺縣志

卷之一

山川

九

晉普山山脊南行一峰與山對峙遠望若雙馬耳俗曰尖山距晉普十里

再南曰佛頭山西南距縣四十五里高踞諸峰之上前無障礙下臨太行一帶皆在目前舊志曰宋王忠植曰我河東步佛山人也卽此按王忠植爲石州人今永寧州其地有步佛山以佛頭爲步佛附會失據且援此以王忠植爲州人更舛見戴震汾州府志

佛頭山脊分二支一南行低衍曰追山西南距縣五十五

里

再南迤西逕武城頭西南曰朝鳳山一曰白龍頂距縣治西南八十里山陽有白龍洞山北有觀音洞西面懸崖天際一線徑通俗呼曰黃霜漏北人謂崖曰漏語轉訛也由此下看沁水以東趙良馬鞍諸村落井里樹木如黑子碁布矣舊志曰松嶺山縣西南九十里晉普山之對殊未確蓋登高遠望見此山南連一峰松栢陰翳略約言之矣

追山迤南爲將軍頭山西南距縣八十五里一統志曰宋紹興間岳忠武爲張所部將復新鄉轉戰大捷後使梁興渡河敗敵於沁水築寨以待飛兵故名下爲土河村

鳳臺縣志

卷之一 山川

十

再南迤西爲曲良掌山西南距縣九十里

再迤西爲史家嶺西南距縣九十里過此爲劉家坪衙道入愁兒溝接河南濟源界

再西爲七盤山西南距縣九十里下臨范家河沁水出山之口

以上四山舊志不載皆在沁河東岍北岍山道紆複人跡罕至

環秀山脊一迤西微南逕冶底村北再西爲望城頭山秋

泉村山蘿泉村山再西爲衛家山西南距縣八十里下臨高會村過此則馬鞍趙良諸村臨沁河

再迤西南爲黃丹坪西南距縣八十里隔沁河爲陽城界以上四山皆在追山偏西北舊志不載

晉普山脊微低衍岡阜迤東南行曰無量殿嶺南偏西距縣三十五里山澗有泉南流下入犁川村又村落道傍一泉涓涓不息四圍石罅冷泉下滴皆泠浪有聲雨後飛流迨不可計此水南行轉西合崖底村水入沁

岡阜東衍曰蔡家嶺南微西距縣四十里

鳳臺縣志

卷之一

山川

十一

再東爲天井關南距縣四十五里關有孔子廟水經注曰邗水又東南逕孔子廟東廟庭有碑魏太和元年孔靈度等以舊宇毀落上求修復野王令范衆愛河內太守元眞刺史咸陽公高允表聞立碑於廟治中劉明別駕呂次文主簿向班虎荀靈龜以宣尼大聖非碑頌所稱宜立記焉云仲尼傷道不行欲北從趙鞅聞殺鳴犢遂旋車而反及其後也晉人思之於太行嶺南爲之立廟蓋徃時回轅處也余按諸子書及史籍之文並言仲尼臨河而嘆曰邱之不濟命也夫是非太行回轅之言也碑云魯國孔氏官於

洛陽因居廟下以奉烝嘗斯言是矣蓋孔氏遷山下追思聖祖故立廟存饗爾其猶劉累遷魯立堯祠於山矣非謂回轅於此也按天井關距野王縣北邗臺六十五里道元以千里片石難以指名卽孔子廟以標地望非謂邗水逕於廟之下也至石上車轍明州牧鄆陵陳斐辨已析不待再及 天井關南山脊之東天井溪水出焉北流一名北流泉俗呼曰晉廟河以與晉廟舖逼近也 天井在攔車鎮西南道左北去關三十餘里天生晉井徑七尺圍二丈許其深無底以石投之礚礚有聲詳聽杳不知其所極蔡

邕曰太行山有天井關在井北遂因名焉是也或云在天東井宿之北者誤或又云盤谷西北有天井谷亦誤舊志云天井谷在縣西南四十五里今亦不詳其地按昔天井關當在今橫望鎮憑高臨下勢若建瓴設險守國形勢然也今天井關似昔天井谷土人倚險以居去縣亦四十五里與志合第未見書乘未敢臆斷矣

天井關北曰南坡頭有黑虎廟閣太行要衝南距縣三十
五里

關南由攔車鎮南行曰黑石嶺南距縣八十里太行絕頂

舊志曰黑嶺下卽開蹬也登其上中原胥在目矣

由黑石嶺迤西而南曰小口南距縣九十里在碗子城西
自豫省由西梁別徑入山至星軺驛南一十三里合大道
通志曰隋大業中上登太行山別開道九十里以達河內
御史大夫張衡宅悅其林泉留宴三日卽今小口是也一
統志云羊腸坂在鳳臺縣南天井關之南接陽城縣界考
史記魏世家如耳見成陵君曰昔者魏伐趙斷羊腸拔闕
與又蔡澤傳澤謂應侯曰君相秦坐制諸侯決羊腸之險
塞太行之道正義太行山坂道名南屬懷州北屬澤州舊
鳳臺縣志

卷之一

山川

十三

志羊腸坂在沁河東岸其石光瑩可鑑按羊腸坂有三一
在澤州府鳳臺縣一在太原府陽曲縣一在潞安府壺關
縣而戰國時所言羊腸大抵在澤州者近是據一統志在
鳳臺接陽城縣界則今之小口爲是若再西愁兒溝則塞
之甚易又非兵行之道矣

攔車鎮南行迤東曰橫望隘南距縣六十里太行山頂傳
爲狄仁傑望雲思親處下瞰河陽鷄犬桑麻歷歷可數黃
河如帶邙山如几丹沁交流微明一線山前有磨盤寨一
曰孟良寨接河內縣界迤東南爲漢高城酈生說高祖曰

杜太行之險是也南偏東距縣一百里

橫望鎮迤東南山巒回合爲丹水出山西岍與柳樹隘對水逕其間其可指名之峰詳見水志此太行東南盡境外爲丹水所隔別志

由攔車鎮微西小逕西南行日月院山南距縣六十里舊志云石壁嵯峨飛泉噴薄下臨天柱峰有潭深不可測鑿詩云溪潭直上孤峰底怪栢蒼蒼老不死藜杖長拖嘯一聲虎豹潛形盡縮耳須臾有客話無生旋煮新茶汲冰水樵歌依約耳邊來詩情只在烟嵐裏山人李題

鳳臺縣志

卷之一

山川

十四

又一峰曰天柱山一名大月院山有普照寺金建下爲三教河太行山中西北一帶澗水俱會於此西流入乾河出山由小口前黃沙嶺入河南界此境內未歸丹沁之水以無常流故曰乾河非唐李德裕奏請立寨之地

晉普山東又一支岡阜低衍東南行逕河上村土門又逕榭樹庄嶺又逕白雲阡再東迤南曰北坡頭山下爲河底村太行孔道有廟祀魏孝文帝石池深暗中植老樹蟠若龍形南距縣三十里

山脊再迤東爲石門河之北岍曰峪台寨山兩岸逼近中

塞一峰干霄直上石堡巍然竒險也東臨賈迓村石門村南微東距縣三十五里

再迤北有峰突起曰香爐山南微東距縣三十里上爲香爐寺下爲葦園村舊志云懸岼斷澗中峰突起形如香爐故名非陽阿鎮之香爐山

再迤東北轉爲白水西岼曰泉子頭曰亂石峰東南距縣二十里下臨金匠諸村峰皆無名與申匠村東青龍洞山相接連

以上四地爲河底河之北岼白水河之西岼

鳳臺縣志

卷之一

山川

十五

五門山山脊中分迤東行曰岡頭山西距縣三里山下有錦溪水北流旁爲落花寺有石泉二清澈見底

由岡頭山迤南再東爲寶山西距縣五里有寶山寺松栢陰翳亦一勝地下爲冶家河

寶山頂山脊南行爲吳神山西微南距縣八里廟祀泰伯仲雍

吳神山迤南而東岡嶺平行爲白水南岼曰金剛嶺折而南爲白水西岼壁立峻石朱太守樟題曰曲水環清爲遊人玩白水秋波處東南距縣七里

再南爲王莽山亦曰黃莽山東南距縣十里

再南石平如砥下臨深潭曰聖字泓東南距縣十二里

再南東岼曰小崆峒山亦曰洞子岩有琵琶寺爲唐宋人盛遊之地東南距縣十五里

微迤西曰琵琶泓澄灣納溜激射成雷峭壁迴景周流如畫有天寶五載權澈題詩字尙可辨宋人題石壁曰清風壁南微東距縣十五里

再南曰小珏山兩峰離立中隔白水西峰有石堡爲昔人避兵之所南微偏東距縣二十里

鳳臺縣志

卷之一

山川

十六

再南爲老公山山多岩洞石磴不能容足洞中有泉東南距縣四十里

再南曰高神頭山有高神廟古碑光可鑑物東南距縣五十里

再南曰大神頭山高峰插天漢俯視天井溪合白水入丹水了了指掌俗名曰石砮河東南距縣六十里

以上三山皆白水西岼其東岼曰馬蹄跔山再南曰岳將軍砦山石磴如線猿獠莫度有石寨南北兩門中通一徑爲私販往來必由之徑下爲將軍村東南距縣六

十五里卽與硤石山南一帶大橫山二橫山三橫山山脊相連爲丹水西岍

吾山右旋由山脊西行曰蟠龍山西北距縣五十里山下有源泉寺以寺傍數泉清澈可鑿遊魚往來故名未入寺二里許有小清涼巨石斧劈小剎避喧四面泉聲離離枯竹有一池魚子游泳一塵不染令人有出塵之想碑誌云蟠龍山橫亘五十里按其支離旋轉或不止此

曰聖王山西北距縣五十里有成湯廟廟前二池名顯化池晝夜混混瀉下成溪會蟠龍山諸泉東南流至中村南

鳳臺縣志

卷之一 山川

十七

入陽阿水

再南曰方山西距縣四十里壁立數丈頂平如削背跨陽城界上有北岳廟

再迤南曰司家山西距縣四十里山畔有徑通沁水

再迤南曰姬家山西距縣四十里山嶺松栢遠望離離過山卽沁水縣常店河

以上二山舊志不載每山橫亘十數里許何可畧也

再迤南曰岳神山一曰肫岳山西距縣四十里孤峰特立秀壓天半古松千樹蒼翠扶踈有樂氏二仙祠

岳神山脊中分由西轉而東曰西可寒山西距縣三十五里山坳有乾明寺山嶺重複古樹盤根畢宏韋偃畫亦不到

岳神山脊連下微迤西曰洞陽山西距縣四十二里山坳有興善寺有泉可溉蔬圃

再迤南曰五龍山有水簾洞距洞陽六里許

再迤南轉西曰樊山西距縣四十五里遍山松栢午亭陳文貞公墳墓在焉

舊志列樊山在陽城今考其地山前爲鳳臺界山後爲

鳳臺縣志

卷之一

山川

十八

陽城界與洞陽山黃沙山同不可缺也

再南迤西曰黃沙山西距縣四十五里山接史山卽陽城界

以上十山俱在陽阿水之西山脊以東水皆東流入陽阿水水之東爲桃固嶺嶺脊以西水皆西流入陽阿水自此以下逕尖水村至九女臺爲陽城界由此入沁河沁河轉而東南行西屬陽城東屬鳳臺以河爲界

丹水以東山自陵川王莽嶺俗曰峰頭入鳳臺界東距縣五十里

循山脊南行曰狐兒嶺東微偏南距縣五十里

迤西稍前曰橫嶺東距縣三十五里

再前曰東龍王山東偏南距縣三十里

狐嶺脊南行曰磨山底以對磨齒山得名東南距縣三十里
五里山陰爲石子坂澗水西南流入丹

迤南轉東曰節山橫亘數十里東南距縣四十里陵川九
仙臺水自東北來白洋泉南來會之二水合流至交河村
前入丹水

曰倉官腦兒東南距縣四十五里東接陵川九仙臺界

鳳臺縣志

卷之一

山川

十九

山脊迤北曰松林山俗曰郭家背松栝千株干霄蔽日東
南距縣五十五里

九仙臺水南曰天池嶺與節山對巔有山寨石城天然可
容千人名爲天池詢之士人山巔實無泉也東南距縣三
十七里

山脊西旋兩峰了角曰玨山上建元武廟石磴四百餘級
初春游人如蟻晝夜絡繹香火甚盛東南距縣四十里
天池嶺脊左旋東折曰紫金山山下爲白洋泉山腰有蓮
花洞洞口西開對筆峰頂一峯秀削梵刹天半東南距縣

五十五里又迤東有黃龍洞東南距縣九十里一山橫亘幾四十里許

山脊南行曰玲瓏山一曰崆峒山有風穴居人以石覆之東南距縣七十里

再南迤東曰蟠龍山山下有淨影寺元遺山先生寶岩紀行詩所謂金門寺也寺居萬山中鳥道屈盤人跡罕至東南距縣九十里

微迤西曰馬牢山俗訛曰馬郎山亦曰馬頭山東南距縣八十五里下屬修武上屬鳳臺通陵川瘦驢嶺路梁遣李

鳳臺縣志

卷之一

山川

二十

讜攻李罕之於澤州晉遣李存孝以騎兵五千救之梁驍將鄧季筠出戰存孝舞稍擒之李讜敗走追繫至馬牢川還攻潞州按由陵入潞路甚便當在此地舊志曰在縣南二十里似誤

山脊西行曰鐵楸山山西陘爲柳樹口口北石棧爲十八盤上下爲前潦坡後潦坡路通河內縣清化鎮東南距縣八十里

再迤西南行曰二石人山各在一山角倚相望丹水逕其下一名聖人崖東南距縣八十八里

丹水出鳳臺縣西北二仙掌山

丹水俗曰小丹河源出縣西北十五里二仙掌之陰
本小阜不甚高淺沙細草津津水出至白楊坪東漸成
小谿北流元和志曰丹水在晉城縣北十三里司馬山
此山與司馬相連故云西爲石佛谷俗呼佛堂溝古柏
數株崖刻石佛像小堂覆之摩崖書金大定四年李某
重建或曰卽莞谷逕山耳東村折而東流又逕清震觀
廟南觀有平頂松疎古離竒蓋千百年物階前立天寶
元年石幢前爲孔子廟乃宋程明道先生令晉城所設

鳳臺縣志

卷之一

山川

二二

鄉校史稱程子設鄉校七十餘所親爲兒童正句讀此
其一矣又東逕巴公原南周世宗與北漢劉旻戰陣處
也塔河水自西北來會之

塔河源出陽阿故城西北香爐山之左會山下海山泉
東南流逕浩村南老陰泉水流爲浩河東北來會之又
東南逕宿鳳臺在李村邑東北四十里許志稱晉武帝
太始元年有鳳集於高都縣之北卽此地今以名縣折
而南流至塔河鋪高平溝頭村水自東北來會之二水
合至巴公原東南入丹

丹水又東南雙泉水西南來會之雙泉在可寒山下東五里許水經注曰丹水出上黨高都故城東北阜下俗謂之源源水山海經曰沁水之東有林焉名曰丹林丹水出焉卽斯水矣丹水自源東北流又屈而東注左會絕水地理志曰高都縣有莞谷丹水所出東南流入絕水是也今按一統志曰丹水在鳳臺縣東一名莞谷水一名源澤水一名源源水一名源漳水俗名丹河發源縣東北可寒山西流合泫水與水經合西字誤也並指此泉爲言是未考丹水別有源矣舊志云丹水源出丹

朱嶺高平縣北四十五里與水經注舛至上黨記曰長平城在郡南山中丹水出長平北山南流秦坑趙衆流血丹川由是俗名爲丹水酈注已辨曰斯爲不經矣鄭世子朱載堉樂律全書曰丹林 丹嶺加以朱字是俗人附會堯封長子之說此意爲揣摩殊無考據且酈注明云出高都故城東北若以丹朱嶺當之是在泫氏故城東北非高都矣誤明甚泉一爲土人所塞一清泉泓然蒲青草綠下出成渠東北流兩岸稻田畦分蔬圃枰列浣衣樹陰水碓烟際有江鄉風味可寒山東澗水經

石橋下南來會之至水磨村南合入丹

又東南堰頭水北來會之水出莒山之陽南流逕堰

東又東南入丹

又東逕垂棘山北次東逕高都故城南又東絕水自北來會之按一統志云水經注有高都故城是後魏高都非卽漢縣治唐於古高都城置晉城縣實後魏高都非漢高都蓋後魏高都屬建興郡治今郡城地永安中於縣置高都郡兼置建州後罷州北齊仍爲高都郡後周爲長平郡治隋開皇初郡廢爲澤州治十八年改爲丹

川縣大業初爲長平郡治元和志高都縣改爲丹川縣因縣東丹水爲名皆指郡城言舊唐書地理志武德元年移丹川縣於源澤水北今高都村故城仍在源澤水北是也三年於古高都城置晉城縣爲今縣治九年省丹川縣入之高都城爲唐初所移丹川縣文義明甚絕水源出高平縣西北三十里傘蓋山至縣東北北城公村西陘口始入縣境水經注絕水左會長平水東南與泫水會亂流東南入高都縣右入丹水按水經在高平縣境有絕水有泫水有長平水無丹水至高都縣始

右入丹水是丹水源在邑境明甚自寰宇記云泫水一名丹水而其稱始混今絕水泫水丹水三水統名丹水而源流不別矣絕水自陘口南流逕南城公村南折而東流又東逕河底村南至九江口片石巍然上建高臺爲九江神廟像列九女風鬟霧鬢不知何神也廟據溪山之勝入夏波濤環湧大石隨流而下砰訇澎湃聲震岩谷蒲水自東北來至臺下與絕水合

蒲水源出陵川縣西北二十里聖官山至縣東北魯村東寒狐陘入縣境陘兩岸土山中爲石陂水鑽石竅匯

爲深泓溢流直下西南流逕高平寨上村北與魯村對折而南流逕葫蘆灣至九江口入絕水二水合南流逕尹寨東又南逕岍上村西又南逕高都故城東右入丹水三水爲一矣

丹水又南逕水西村東沙河西來注之沙河源出可寒

山南澗會小析山流泉逕中上村東又南逕漢關侯祠

東有平橋

俗呼曰沙河廟

又迤南逕劉家川西司馬山東澗水

逕七嶺店村東橋下由司徒村南迤逦西來注之司徒村唐太常卿司徒映故里今孫子皆爲司姓散處水東

西村二水迤東北流逕崔莊村金李莊靖先生墓南墓
犁爲田松栢摧薪土人指其處云豐碑龜趺人皆埋土
中矣

又東北逕府城村南又東至水西村東入丹

丹水又南逕龍門峽兩壁峭削形若門焉世謂之禹鑿
也壁下嵌空玲瓏如竹中虛水行轂轉有聲東岸建魏
孝文帝祠有宋景德年碑記云是歲天書降次年改爲
大中祥符元年也孝文像冕旒章服旁塑龍神五非考
碑碣他年恐有杜拾姨伍髭鬚之訛矣又南十字坂水

左入焉水出狐兒嶺逕磨山底村東入丹

又南逕浮山西折而北流遶浮山磨齒山脚轉而南行
至浮山東南隅交口村西陵川九仙臺下丈河水自
東北入焉丈河水出陵川堯莊山逕九仙臺會濯纓泉
入鳳臺界百洋泉水北流注之泉在柳樹隘之陰兩岸
高峰障天蔽日石罅清泉四壁飛洒雨後噴珠跳玉冷
浪可聽或地中石裂一泉靜深或山蹊淺沙上湧如珠
斯有百洋泉之名矣或曰白羊泉非所詳也山有長連
城舊志云魏孝文帝入洛陽經此二水合東南流至文

河口注於丹交河俗呼爲焦河而焦姓者競居此名焦家河亦可笑也

又南逕石人山下俗曰石人漏山與浮山接陂陀低衍形如人立河流其下距水經注二石人山尚四十里許非一山也

又南逕峽石珏山兩山間峽石山逕曲折由高而下數步一轉巨石嶮岬左右騰攫綠草蒙茸冬夏不變五里至別有天見青蓮寺梵宇瑤宮如桃源隔世矣與珏山遙對丹水逕其中過此高岸接天獸迹不交峽束水急

鳳臺縣志

卷之一 山川

一六

一瀉千里矣

又南五龍溪西入焉溪出郭壁村山中南北兩山中湧石臺天然寨堡人列女牆於上置重門焉泉二一在堡北一在堡南巨如車輪遶臺分瀉明王疎菴冢宰題山南石壁曰空谷傳聲又次南爲水簾洞石崖高出洞口湧泉自崖而下飛散如霧懸流注壑千有餘丈舊志又云溫泉二一在郭壁山中

又東南逕龍潭峽五股泉流風湧雲興陡落高崖下匯爲潭後周高僧惠遠說法之地遠公居青蓮寺注涅槃

經與廬山開白蓮社別爲一慧遠矣

又東南逕壘石山遶山疊堰土人激行水碓東西兩岸
草屋映帶渠溝迴環俗呼曰磨河

又東南合三股泉泉平地湧出噴洒數尺玉壺玲瓏飛
雪濺雨視歷下趵突泉迨過之矣下爲落絲潭深不可
測

又東南逕大橫二橫三橫山折逕鋸齒山而東過李道
寨趨鳳凰山又南逕二石人北水經注曰各在一山角
倚相望南爲河內北曰上黨二郡以之分境今俗名兩

望谷以石人兩相望也訛望爲王又轉爲吳土音誤也
又東南爲南崖溫水經注曰丹水又東南歷西巖下有
大泉湧發洪流巨輪淵深不測蘋藻芰芹竟川含綠雖
嚴辰肅月無變暄萋

又東南至南山壑口出山逕楊家莊白水西來注之水
經注曰丹水又東南流注於丹谷卽劉越石扶風歌所
謂丹水者也晉書地道記曰縣有太行關丹谿爲關之
東谷途自此去不復由關矣舊志曰青蓮寺東五里藏
陰寺東卽丹谷按魏書莊帝紀永安三年尔朱世隆攻

河橋南逼京邑詔大都督源子恭出西道討之仍鎮太行丹谷尔朱兆寇丹谷源子恭奔退北史尔朱彦伯傳帝醮彦伯於顯揚殿時侍中源子恭黃門郎竇瑗竝侍坐彦伯曰源侍中比爲都督與臣相持於河內河防志曰丹河自高平縣來至河內丹谷口有大丹河小丹河

此猶據俗稱絕水爲大丹河

經石斗門分流傳澤洪行水金鑑曰丹

河穿太行山至河內縣自河內丹谷口起至劉村計長五里今循水而行兩岸壁立鳥道纔通石崖隄落動數十丈軍行之道非此明矣自白水交丹水循河而上山

峽連雲陁長無水平坂間道由峪底村北逕洞子巖直達郡城西逕石門口直至關北不復由橫望隘天井關之險証以尔朱彦伯相持河內之言河防志行水金鑑河內丹谷口之名是丹谷在太行之陽與河內近當以交丹口爲是或疑水經注列此條於二石人之上似舊志云在青蓮寺東爲近不知水經注東南流注於丹谷似原始要終之言舊志漫無考據且又以九江口爲丹谷此不明未入高都縣無丹水之稱而左入右入之文幾不能辨其誤可以類推矣

白水出鳳臺縣西北伊侯山

白水源出縣西北二十里伊侯山下細流一線晝夜不舍水經注曰白水出高都縣故城西所謂長平白水也東流逕二仙掌南折而南流逕夏匠村東碧落寺前澗水注焉又次南逕紅葉頭東崖水琮琤下滴深泓雨後泛溢建瓴注壑合流南下迤東南流俗呼曰桑皮河兩岸村人造紙爲生用漚桑苧以此得名又逕道頭村東入城西沁陽橋下左入西沙河東北自司馬山來逕黑龍潭北又逕書院村南注焉右入掩村山口水水出桃

鳳臺縣志

卷之一

山川

一九

固嶺下東出掩村山口逕呂匠村南折而逕王公祠南王公名孕長北直吳橋人明澤州牧弱冠泣此禦寇有功曾作愛錢說民到今稱之俗所謂小王公祖也入小石橋下東流注焉

又南五門山口水自崗頭村東核桃窰山口水自崗頭村南二水合東南行二水俱出桃固嶺次南錦溪水北流注之又次南會小山泉一山拳如泉出石罅間清冷淵深土人引流種樹翼以亭榭回廊曲水流觴爲春夏勝游之地今廢迤東南逕五龍祠北俗名老龍灣四水

合入白水五龍祠有古龍潭石碑篆龍泉字甚奇古潭深數丈水不外溢邑人禱雨之處或謂白水源出五龍山五龍池又曰源出湖泐水在城南一里許此爲不經矣

又南折而東流入晉南第一橋下橋建留勝院危閣臨水朱欄掩映又東折而南流左入東沙河北自司馬山逕黃龍洞崖東者也俗曰小東河

又南逕鍾家莊東大石離立水濱立秋之曰土人於此玩秋波陋俗也石壁題曰曲水環清又南花園頭澗水

東北來注之水出司馬山東澗逕常澗橋下俗曰三里橋又逕謝匠村橋下至花園頭又逕上輦下輦入焉

又南繞文筆峰浮屠西明末因形家言建高二十餘丈聳出雲表南爲回軍谷宋石守信討李筠於此回軍俗訛爲回回

又南逕九里谷西李莊靖俊民詩連峰忽斷開山門是也今爲山門村

又南冶家河右入焉水出寶山吳神山之間東流洞靈泉水南來注之泉出巖洞中泐然不竭山僧引以泛觴

一曰流盃泉訛盃爲碑謬矣水東行又名華家河逕金剛嶺南又東逕寺底村會白水

白水又南至缸河村卽乾河轉音也在城南微東十五里白水覆流之地通鑑唐會昌四年閏七月昭義將高文端降李德裕訪文端破賊之策文端曰官軍今直攻潞州澤州兵約萬五千人賊常分兵太半潛伏山谷伺官軍攻城疲弊則四集救之官軍必失利請令陳許軍過乾河立寨自寨城連延爲夾城環遶澤州是也轆轤井山口諸水西來注之

轆轤水源在桃固嶺東出轆轤井山口東流折而南逕郎莊東次南逕南村東又南峪口山水西來注焉水源在桃固嶺出峪口南流合轆轤井山水次南西峪水南來會之水出環秀山北流至西峪村南合峪口衆水東流又東逕黃沙嶺南火窑河南來注之源出晉普山東東北流逕申匠村中斬龍臺白龍洞水北流入焉山形鑿斷有斧鑿痕俗以名山二水合逕浪井村東北流入西峪水五水合又東五里許入乾河

乾河又微南逕武匠村西懸崖陡斷飛流下注滙爲聖

字浚唐人石壁詩序云水中聖字了了可見浚深無底
有時而涸沙積爲阜土人於早上穿竅汲水如井狀夏
雨暴漲沙阜不知何去又淵然無底矣

又南逕洞子岩岩有琵琶寺晉天福年立石幢刻尊勝
經咒又有金大安詩碑破寺殘碣烟荒草蔓巖上松柏
青蒼遠望諸山環繞如屏

又南逕清風壁水入石罅下注一浚爲琵琶浚石壁天
寶五年權澈七言歌行一首字體完好權澈在唐詩名
不甚著深山僻壤留此遺踪不朽之名數存其間矣

又南逕小珏山兩山對立水流其間右山有堡雉堞尙
在

又南逕馬砦村東石門澗水西來注之水出晉普山前
一由楸木窠南東流一由河上村南折而南流合行至
大棘村南俗呼大棘河峽束巖仄兩石相交爲天然橋
九折至河底村東流逕北坡頭南坡頭兩山間東偏北
三里許爲白石先生洞洞中白石下垂如柱如筍有天
井淵然而深窈黑無底旋折而上又一洞石床石几天
然位置若隱者居焉舊志云在玉仙山余親履其地無

玉仙山也又東兩岸偪峙一峰一折一折一境紆曲廻
複壁多巖洞人跡難至次東爲西石門崖垂欲合天然
一門水道漸狹亂石參差當門一峰峭立名峪臺寨有
石城女牆屹然一夫守險千人盡廢矣繞寨南行數里
南岸爲三仙洞在半巖際神堂數間丹碧掩映石洞水
清見底挹之不竭再東逕賈迺村南次東爲東石門山
尾坡坨中寬二丈許亦奇險也再東入白水

白水又南逕乾絲村次南爲峪底村亦名河西以在白
水西岍也次南逕老公山下山祀高禰徑路偪仄于

而上趾垂空際由南坡頭山脊東行至此突起成峰老
公之名莫可稽矣

又南逕高神山東天井關山脊迤東行忽起峰巒巍巍

莫比下爲壺壁

俗呼曰壺瓶街

晉書晉太元十九年後燕慕容

垂遣張崇攻慕容永弟武鄉公友於晉陽永遣其尙書
令刁雲率衆五萬屯潞州垂停鄴月餘不進永攝諸軍
還於太行軹關垂進師入天井關攻永從子征東將
軍小豆逸歸鎮東將軍王次多等於壺壁是也天井溪
自西南來注焉俗呼曰晉廟河按天井溪源出天井關

南山脊東澗中東北流因關爲名非天井水泛出也水經注曰白水又東天井谿水會焉水出天井關北流注白水世謂之北流泉是也

又南逕大神山東攔車鎮山脊迤東行峙爲高峰水逕其趾俗呼曰石砬河自此迤東南二十里許至史君嶺口出山逕楊家莊白水交丹水矣

二水交又東南出山水經注曰白水交丹水又東南出山逕鄴城西城在山際俗謂之期城非也自此出縣境爲河南河內界

鳳臺縣志

卷之一 山川

三四

陽阿水出縣西北吳神山

一名吾山

陽阿水出縣西北六十五里吳神山之右南流在吳山香爐山兩山之間陽阿縣故城在其左漢置陽阿縣屬上黨郡高祖七年封陽阿齊侯其石爲侯國晉罷太元中慕容永復置兼置建興郡後魏眞君九年省和平五年復置永安中郡廢北齊省入高都索隱曰陽河卽陽阿以字跡相類而譌水經注曰陽阿水出陽阿川南流逕建興郡西魏土地記建興郡治陽阿縣今按陽阿故城在陽阿水北微東香爐山阻之水不逕其地土地記

誤

又南會挖撩溝水水出香爐山貴人峯之陰西南流逕河東村注之

又南源泉寺水西北來注之水出聖王山成湯廟顯化池池有二元至正間重修廟貌工徒渴飲池水水暴湧作雷鳴衆因建亭名曰顯化泉一堙一通下出爲礶迤左流至源泉寺前會衆泉又會小清涼山阜泉東南流與陽阿川隔一陂陀逕中村南入焉中村元初段長官直故里史曰至元十二年河北河東山東兵亂直倡義

鳳臺縣志

卷之一

山川

三五

團聚保境後論功行賞授本州長官迎李俊民以爲之師士之通經與選者百二十二人

又南柳樹底澗水西來注之枯柳一株搖曳道周傍崖人家屋瓦鱗次地以樹名矣

又南關家山水西來至史村寨下入焉

又南史村河東來至村南入焉

又南段都村澗水西來至村南注焉

又南賈泉水自伊侯山陰東來注之至小河底村北入焉姬家山水西來注之至小河底村南入焉

又南馬村溝水東來至徐压市北注之

徐压村在高阜市在水傍

又南徐压水東來至市南注之

又南可寒山澗水西來至辛壁村北注之

又南紇干溝澗水東來至辛壁村南注之

又南逕建興故城西地名建興鄉背負桃固嶺下臨陽

阿川東南爲寨子嶺武靳關故地當卽此一統志曰武

靳關在鳳臺縣西北魏書地形志曰陽阿縣有武靳關

是也魏土地記曰建興治陽阿舊志曰建興治高都故

城按水經注曰陽阿水南流逕建興郡西水南流不逕

鳳臺縣志

卷之一 山川

三六

陽阿去高都故城七十里許不得逕其西矣桃固嶺之

陰澗水逕建興鄉至交河村北入陽阿水

又南馬坪頭下陸水西來注之水出洞陽山陳文貞午

亭詩我家太行盡處村蛟龍欲落留爪痕是也至川底

村入焉

又南周村長橋下水西來至村南注之

又南尖水東來注之又南迤西南流入陽城縣界水經

注曰又東南逕午壁亭東而南入山在陽城境矣逕章

訓村東至九女臺入沁水

陽阿川兩岸諸澗源不甚遠磔嶭揚波交積隍澗勢同雷轉曖若霧合水經注曰其水沿波漱石湍澗八丈環濤轂轉西南流入於沁水工於形似矣水無多曲折故卽東西別之其上下先後如列眉也

沁水出沁源縣穀遠山

沁水自岳陽縣來至大匠村入沁水縣境下至屯城入陽城縣境至九女臺下合陽阿川水東南流逕黃坦坪入邑界西爲陽城東爲鳳臺又折而東至公娥澗南岸爲濟源界北岸爲鳳臺界自此入山兩岸連雲水由中

鳳臺縣志

卷之一 山川

三七

行陳文貞廷敬老姥掌游記云由樊山則枝分條披狀形竒詭嶕嶢而爲峰窈窕而爲壑崎嶇而爲巒峻嶒而爲峯截薛而爲巘莽巒而爲巒嶺嶸而爲岫寥廓而爲巖其中長川夾岸若斷若連如海波斂而島嶼出如江湖平而洲渚生村居靜深關扃奧闕陲樊山之巔皆見焉是也州志曰沁水至公娥澗出山口卽枋口當因見其入山爲濟源界卽揣其自出口道里不遠今按沁水自入縣境至枋口凡一百五十二里許州志誤

又東南行自馬鞍村逕黃連灘至杜家河東約二十二

里許治底河水自北來左入焉治底河源出晉普山之
西西流逕治底村南又逕岱嶽廟南廟有柏根泉孤柏
下岐形如人字山泉出焉滙爲方池大畝許下窺黝黑
巨鱗撥刺大者或四五尺許山中所寡有也又西環秀
山前常村水北來注之合而西南流馮家溝水東注焉
源出佛頭山西流入治底河逕柏山下兩岸皆細柏俗
以爲名又南逕小山中流特立栝柏陰蔚兀若金焦水
周其趾山腰石窓洞啟天光射入上建元武廟又西南
逕武城頭山下南入沁水又迤東南行逕圪腦兒自杜

家河至此約三十五里許又逕葉村東犁川河水自北
來左入焉犁川河發源晉普山之前衆泉怒發會爲一
溪南流逕追山西入沁水經注曰沁水又東倍澗水注
之水出五行之山南流注於沁水是也又迤東北折逕
朝鳳山西山半細徑懸出絕壁下臨河流亂石怒爭地
名看河腰俗呼挿飛路又東南逕黃霜漏下奇形險狀
思攫神驚怪禽啼澗瘦猿掛樹不類人間世也又東落
磨兒灘南逕漏道底村自圪腦兒至此約五十五里許
水經注曰沁水又南五十餘里沿流上下步徑纒通小

竹細筍被於山渚蒙龍茂密竒爲翳薈也又迤南東
逕黑雨河村土河水入焉水源出將軍頭山下
土河村南西折入沁又北折 曹家河村自
此約十一里許又南逕七盤山西又逕范家河村由枋
口出山入濟源界自曹家河至此約二十五里許按沁
水出山逕石門世謂之沁口又西爲五龍口明季濟源
令鑿山通河以興水利是出山有二道矣

論曰鳳臺巨浸左丹右沁縣東境白水會於丹縣西境
陽阿水會於沁水有四經流實止二也諸澗會注多無

泉源山中夜雨溝澮皆盈漂沫流查聲震巖谷甚至傷
禾害稼又甚而毀廬舍沒莊村父老類能言之議者以
有水害無水利咎爲人謀之不臧是固然已余經按其
地溪水多伏流泉源併少疏濬丹沁二水入南山始盛
又高峯摩天水不可上限於地非棄於人也無已近水
村落仿閩粵灘田之法以亂石壅水挽之使高度可少
滋灌溉泉源壅塞濬之使通用以藝圃種樹管子曰因
其利而行之可也因而挽之可也小民狃於苟安難於
圖始烈日炎天荷鋤隴畝草笠赤脚揮汗如雨多旱委

之於天歉入委之於地終歲以草根木葉雜芟稗而食
安之如命其艱辛視蓄水澆田爲何如也生斯土者其
留意焉

鳳臺縣志卷之二終

鳳臺縣志

卷之二

山川

四十